

Canlyniadau ymgynghoriadau bwydydd newydd

Mae'r dudalen hon yn nodi canlyniadau ymgynghoriadau bwydydd newydd, a elwir hefyd yn ymgynghoriadau Erthygl 4.

Mae'r broses ymgynghori ar fwydydd newydd (a elwir hefyd yn gais ymgynghori Erthygl 4) ar gael i fusnesau sy'n ansicr ynghylch [statws bwyd newydd](#) eu cynnyrch/cynhyrchion, ac y mae tystiolaeth helaeth iddynt gael eu bwyta yn y DU neu'r Undeb Ewropeaidd (UE) cyn mis Mai 1997.

Mae [Rheoliad a Ddargedwir \(UE\) 2018/456](#) yn nodi'r wybodaeth y bydd ei hangen arnom i wneud penderfyniad ynglŷn â statws bwyd newydd y bwyd. Os taw casgliad y broses yw bod y bwyd yn newydd, bydd angen i fusnesau [wneud cais am awdurdodiad](#) o dan Reoliad a Ddargedwir (UE) 2015/2283 er mwyn marchnata'r cynnyrch yn gyfreithlon ym Mhrydain Fawr.

Gogledd Iwerddon

Yng Ngogledd Iwerddon, mae Cyfraith Bwyd yr UE mewn perthynas â bwydydd newydd yn dal i fod yn gymwys o dan delerau cyfredol [Protocol Iwerddon/Gogledd Iwerddon](#). O ganlyniad, dylai busnesau sy'n ceisio pennu statws bwyd newydd eu cynhyrchion yng Ngogledd Iwerddon gyfeirio at y wybodaeth a ddarparwyd gan [Awdurdod Diogelwch Bwyd Ewrop \(EFSA\)](#) a [Chatalog Bwydydd Newydd yr UE](#).
?????

Noder: oni nodir datganiad i'r gwrthwyneb isod, bydd unrhyw benderfyniadau a wnaed ynghylch statws bwyd newydd bwyd gan yr UE cyn 1 Ionawr 2021 yn dal i fod yn gymwys ym Mhrydain Fawr. Nid yw penderfyniadau'r UE a wnaed ar ôl y dyddiad hwn yn gymwys ym Mhrydain Fawr.

Sut i gyflwyno cais ymgynghori Erthygl 4

Gall busnesau sy'n ceisio marchnata eu cynnyrch ym Mhrydain Fawr gyflwyno cais ymgynghori Erthygl 4 a thystiolaeth ategol gan ddefnyddio'r [gwasanaeth gwneud cais i awdurdodi cynnyrch rheoleiddiedig](#). Yn yr adran 'Math o gynnyrch', dewiswch 'Arall' a nodi yng nghrynodeb y cynnyrch eich bod yn bwriadu cyflwyno cais ymgynghori Erthygl 4.

Isod ceir datganiadau'r Asiantaeth Safonau Bwyd/Safonau Bwyd yr Alban ar fwydydd sydd wedi cwblhau'r broses ymgynghori.

Y bwyd dan sylw/dyddiad hysbysu	Datganiad ar y bwyd dan sylw
'Protein corbys' a gafwyd o gorbys coch a/neu felyn (Lens culinaris) sy'n cynnwys o leiaf 85% o brotein sych, 14 Chwefror 2025	Ddim yn newydd – darllenwch y cyfiawnhad dros y penderfyniad ar brotein corbys (HTML)
Trwythau dyfrllyd nad ydynt yn ddewisol o ffrwythau mynach (wedi'u gwneud o ffrwythau ffres a sych y planhigyn <i>Siraitia grosvenorii</i>), 21 Mehefin 2024	Ddim yn newydd – darllenwch y cyfiawnhad dros y penderfyniad hwn (PDF)
Madarch seleniwm (<i>Agaricus bisporus</i>), 13 Mehefin 2022	Ddim yn newydd – darllenwch y cyfiawnhad dros y penderfyniad hwn (PDF)

Y bwyd dan sylw/dyddiad hysbysu	Datganiad ar y bwyd dan sylw
Madarch fitamin B12 (Agaricus bisporus), 13 Mehefin 2022	Ddim yn newydd – darllenwch y cyfiawnhad dros y penderfyniad hwn (PDF)

Am ragor o gymorth gyda cheisiadau am gynhyrchion wedi'u rheoleiddio, darllenwch ein [canllawiau ar wneud cais am gynhyrchion rheoleiddiedig](#).